

20 $\frac{1}{188}$

ПОКАЯННЫЙ ВОПЛЬ
КО ГОСПОДУ
ВЪ УЕДИНЕННОЙ КЕЛЛИ.



Издание Е. И. Фесенко въ Одессѣ.



Е. И. ФЕСЕНКО, Одесса.
1916.



2006409825

**РОССИЙСКАЯ
ГОСУДАРСТВЕННАЯ
БИБЛИОТЕКА**

433-08

Отъ Кіевскаго Духовно-Цензурнаго Комитета печатать дозволено. Кіевъ, 3 октября 1913 г.

Цензоръ, профессоръ Академіи, Священникъ

Александръ Глаголевъ.





Покаянный вопль ко Господу въ
уединенной келліи.

Молитвами Святыхъ Отець на-
шихъ, Господи Іисусе Христе, Боже
нашъ, помилуй насъ. Аминь.

Слава Тебѣ, Боже нашъ, слава Тебѣ.

Царю небесный, утѣшителю, душе истины, иже вездѣ сый и вся исполняй, сокровище благихъ и жизни подателю, приди и вселися въ ны и очисти ны отъ всякія скверны, и спаси, Блаже, души наша.

Святыи Боже, Святыи крѣпкій, Святыи безсмертный, помилуй насъ.

Трижды.

Слава Отцу и Сыну, и Святому Духу, и нынѣ, и присно, и во вѣки вѣковъ, аминь.

Пресвятая Троице, помилуй насъ; Господи, очисти грѣхи наша; Вла-

дыко, прости беззаконія наша; Свя-
тый, посѣти и исцѣли немощи наша
имени Твоего ради.

Господи, помилуй. *Трижды.*

Слава Отцу и Сыну, и Святому
Духу, и нынѣ, и присно, и во вѣки
вѣковъ, аминь.

Отче нашъ, иже еси на небесѣхъ,
да святится имя Твое, да придетъ
царствіе Твое да будетъ воля Твоя,
яко на небеси и на земли. Хлѣбъ
нашъ насущный даждь намъ днесь;
и остави намъ долги наша, якоже
и мы оставляемъ должникомъ на-
шимъ; и не введи насъ во иску-
шеніе, но избрави насъ отъ лукаваго.

Господи, помилуй. 12.

Слава Отцу, и Сыну, и Святому Духу, и нынѣ, и присно, и во вѣки вѣковъ, аминь.

Приидите, поклонимся Царевнѣ нашему Богу.

Приидите, поклонимся и припадемъ Христу Царевнѣ нашему Богу.

Приидите поклонимся и припадемъ Самому Христу Царевнѣ, нашему Богу.

(Псал. 12).

Доколѣ, Господи, забудеши мя до конца? доколѣ отвращаеши лице Твое отъ мене? Доколѣ положу совѣты въ души моей, болѣзни въ сердце моему дню и нощи? Доколѣ вознесется врагъ мой на мя? Призри, услыши

мя, Господи Боже мой, просвѣти очи мои, да некогда усну въ смерть. Да некогда речеть врагъ мой: укрѣпихся на него. Стужающіи ми возрадуются, аще подвижуся: азъ же на милость Твою уповахъ. Возрадуется сердце мое о спасеніи Твоемъ: воспою Господеви, благодарившему мнѣ, и пою имени Господа вышняго.

Услыши, Господи, гласъ мой, имже воззвахъ: помилуй и услыши мя.

Ослаби ми, да почию, прежде даже не отъиду и ктому не буду.

Яко одержаша мя злая, имже нѣсть числа, постигоша мя беззаконія моя, и не возмогохъ зрѣти: умно-

жишася паче гласъ главы моея; и сердце мое остави мя.

Благоволи, Господи, избавити мя, Господи, воеже помощи ми вонми.

Весь день срамъ мой предо мною есть и студъ лица моего покры мя.

Помилуй, мя, Боже, по велицѣй милости Твоей, и по множеству щедротъ Твоихъ, очисти беззаконіе мое. Яко беззаконіе мое азъ знаю и грѣхъ мой предо мною есть выну.

Боже мой, не удалися отъ мене. Боже мой, въ помощь мою вонми.

Господи Іисусе Христе, Сыне Божій, помилуй мя, паче всѣхъ согрѣшившаго.

Безначальное Слово, имже вся существуетъ и живеть, содѣлай мя участникомъ Твоея жизни: аще бо и тьму имамъ беззаконія, — но Ты свѣтъ, его же тьма объяти не можетъ. Разжени тьму сію, омрачающую душу мою, яко челоуѣколюбецъ.

Господи, Іисусе Христе, Сыне Божіѣ, помилуй мя, паче всѣхъ согрѣшившаго.

Якоже очистилъ еси храмъ Іерусалимскій, Іисусе, изгнавъ изъ него торгующихъ, сице благоволи душу мою очистить, изгоняя изъ нея нечистыя страсти.

Господи, Іисусе Христе, Сыне Божій, помилуй мя, паче всѣхъ согрѣшившаго.

Якоже освободилъ еси, Спасе, отъ бѣса чловѣка бывшаго въ сонмищи, сице свободи и мя отъ беззаконія моего, да не ктому мною обладаетъ.

Господи, Іисусе Христе, Сыне Божій, помилуй мя, паче всѣхъ согрѣшившаго.

Огнь блудныя страсти воспали вся уды моя: но Ты, Христе, якоже избавилъ еси тещу Петрову отъ огневицы, милостію Твоею избави и мя отъ блудныя страсти, яже паче оныя огневицы сожигаетъ мя.

Господи, Иисусе Христе, Сыне Божій, помилуй мя, паче всѣхъ согрѣшившаго.

Паче прокаженнаго, егоже очистилъ еси, Спасе, — имѣю и азъ нужду въ очищеніи не отъ проказы, но отъ беззаконія моего. И кто мя очиститъ отъ него, аще не Ты, Господи мой, Иисусе Христе.

Господи, Иисусе Христе, Сыне Божій, помилуй мя, паче всѣхъ согрѣшившаго.

Всѣми уды моими расслабленъ, во еже творити благое; но ты, Христе, явивый милость Твою оному раз-

слабленному на одрѣ лежавшему, не остави и мене быти въ разслабленіи.

Господи, Іисусе Христе, Сыне Божій, помилуй мя, паче всѣхъ согрѣшившаго.

Аще убо грѣшныя пришелъ еси спасти, Спасе, паче мене беззаконнаго не имаши обрѣсти. Сего ради молюся Ти, милостиве, спаси мя отъ беззаконій моихъ!

Господи, Іисусе Христе, Сыне Божій, помилуй мя, паче всѣхъ согрѣшившаго.

Іерусалимскій разслабленный единойды исцѣленъ бысть Тобою, Спасе, азъ же многажды пріяхъ отъ Тебе

пещленіе въ пріятін честнаго Тѣла и Крови Твоея, гласу же Твоему не внимахъ: „се здоровъ еси: ктому не согрѣшай, да не горша ти что будетъ“. Но, Господи мой, Іисусе Христе! Милостивъ буди мнѣ толико неблагодарному.

Господи, Іисусе Христе, Сыне Божій, помилуй мя, паче всѣхъ согрѣшившаго.

Іудеи не хотяху творити добра въ субботу, азъ же чуждъ по вся дни являюся онаго. Сего ради простираю къ Тебѣ не руку изсохшую, но сердце, и вопію: Всемогущій Боже, Тебѣ вся возможна, милостію Твоею содѣлай мя цѣла.

Господи, Иисусе Христе, Сыне Божій, помилуй мя, паче всѣхъ согрѣшившаго.

Добродѣтельный сотникъ, толику вѣру имѣ, яко и во Израили не обрѣтесе подобенъ ему, обаче не дерзну въ домъ свой пріяти Тя, Спасе. Азъ же нищъ всякой добродѣтели, како возмогу приступити къ Тебѣ, Владыко: сего ради въ недоумѣніи о спасеніи моемъ вошю: Неизреченный въ милости, Иисусе Христе, особую милость Твою яви мнѣ, паче всѣхъ согрѣшившему.

Господи, Иисусе Христе, Сыне Божій, помилуй мя, паче всѣхъ согрѣшившаго.

Вдовица града Наина плакаше о умершемъ сынѣ своемъ. Хотѣлъ быхъ и азъ оплакати погибшую душу мою; беззаконія же моя тако изсушиша мя, яко и слезамъ не обрѣтатися во мнѣ. Но Ты, Христе воскресивый сына оныя вдовицы, избави и мя отъ вѣчныя смерти, яже за беззаконія моя имать мною обладати.

Господи, Иисусе Христе, Сыне Божій, помилуй мя, паче всѣхъ согрѣшившаго.

Паче блудницы беззаконновахъ, слезъ же и мвѣра тоя не имамъ, ниже другое что доброе во мнѣ обрѣтается. Како же могу умилостивити Тя,

Спасе, аще самъ мя не восхощещи помилувати.

Господи, Исусе Христе, Сыне Божій, помилуй мя, паче всѣхъ согрѣшившаго.

Фарисеи, лицемѣры, тщяхуся отвергнути всемогущество Твое. Спасе, и силу яже есть въ Тебѣ—отъ князя бѣсовска глаголаху быти: подобно тѣмъ фарисеомъ, помыслы тщеславныя нудятъ мя хвалитися и присвояти себѣ то, еже нѣсть мое, но даръ Твоего благоутробія, Господи. Ты же, милостивый Боже, благими мыслями во мнѣ посрами ихъ, якоже безумныхъ фарисеевъ.

Господи, Иисусе Христе, Сыне Божій, помилуй мя, паче всѣхъ согрѣшившаго.

Все имѣніе свое врачемъ отдавши и ни единыя пользы отъ нихъ обрѣтши, но паче въ горшая пришедши: кровоточивая жена приступи къ Тебѣ, Спасе, Источнику всякія пользы, и ста токъ крове ея: азъ же окаянный не поревновахъ тоя тщанію и токъ гнусныхъ страстей не пресѣкается во мнѣ: Боже, помози ми прикоснуться краю одежды твоея да тако исцѣлѣю.

Господи, Иисусе Христе, Сыне Божій, помилуй мя, паче всѣхъ согрѣшившаго.

Слѣпые и хромые, глухіе и нѣ-
мые, и иные недужные притекають
къ Тебѣ, Спасе, и приѣмлють исцѣле-
нія: азъ же лежу въ беззаконіи моемъ
и не могу возстати: Боже, даждь ми
силу, да возмогу прійти къ Тебѣ,
Спасителю моему.

Господи, Іисусе Христе, Сыне
Божій, помилуй мя, паче всѣхъ
согрѣшившаго.

Имущество безцѣнное—духовныя
дарованія въ удаленіи отъ Тебе, Отче,
азъ блудный расточихъ: обращенія
же, еже къ Тебѣ, не имамъ. Но самъ
мя обративъ Владыко, по милости
Твоей спаси.

Господи, Іисусе Христе, Сыне Божій, помилуй мя, паче всѣхъ согрѣшившаго.

Безъ числа беззаконновахъ, многаяжды глаголахъ: помилуй мя, и паки таяжде злая творихъ: тѣмъ и отчаяніе обуреваетъ душу мою: Ты же, Господи мой, Іисусе Христе, точію ради единыя милости Твоея не остави мя въ конецъ погибнути въ сицевой глубинѣ золь суща.

Пресвятая Богородице, спаси мя, паче всѣхъ согрѣшившаго.

Скорбящихъ утѣшеніе, и нищихъ защищеніе, немощныхъ исцѣленіе, скорбящую душу мою утѣши, и ни-

щу добрыми дѣлы, защиты: немощну же отъ многихъ грѣховъ моихъ исцѣли, Пречистая.

Слава Отцу, и Сыну, и Святому Духу.

Аще и паче всѣхъ прегрѣшихъ, аще и не престаю беззаконновати, аще и умиленія не имамъ: и тако лишихся всякія надежды моего спасенія: обаче и имѣя изсохшее сердце, не престану вопити къ Тебѣ:

Господи, Іисусе Христе, Сыне Божій, помилуй мя, паче всѣхъ согрѣшившаго.

И нынѣ, и присно, и во вѣки вѣковъ, аминь.



Чистая Дѣва, Мати Бога Слова,
потщися спасти мя, паче всѣхъ пре-
грѣшившаго.

Боже мой, не осуди мя по
беззаконіямъ моимъ: но по ми-
лости Твоей помилуй мя.

Низринухся долу и быхъ яко
скоть, восклонитися отнюдь не могій:
Ты же, благоволивый родитися отъ
Дѣвы и во яслѣхъ возлещи, не от-
рини мене хотящаго имѣти Тя,
Исусе, въ сердцѣ моемъ.

Боже мой, не осуди мя по
беззаконіямъ моимъ: но по ми-
лости Твоей помилуй мя.

Не чисто есть одѣяніе души
моея, како же не имамъ связанъ
быти и изверженъ отъ чертога
Твоего; но, Боже милостивый, спаси

мя единымъ всемогуществомъ Твоимъ.

Боже мой, не осуди мя по беззаконіямъ моимъ: но по милости Твоей помилуй мя.

Никтоже отъ вѣка согрѣши, яко же азъ, тѣмъ убо никому же потребна есть толикая милость Твоя, Господи, яко же мнѣ: аще точію благоволиши помиловати мя падшаго.

Боже мой, не осуди мя по беззаконіямъ моимъ; но по милости Твоей помилуй мя.

Господи, вѣмъ яко праведнымъ судомъ Твоимъ имамъ быти истязанъ въ тѣхъ, яже нынѣ не вмѣняю

въ грѣхъ: тогда бо за всякую мысль, слово и дѣло имѣю отвѣтъ дати: но, Боже милостивый, спаси мя единымъ всемогуществомъ Твоимъ.

Боже мой, не осуди мя по беззаконіямъ моимъ: но по милости Твоей помилуй мя.

Не сохранихъ обѣтовъ моихъ, изреченныхъ въ крещеніи, елика обѣщахся Ти, Господи, тѣмъ и не имамъ избѣгнути осужденія: но, Боже милостивый, спаси мя единымъ всемогуществомъ Твоимъ.

Боже мой, не осуди мя по беззаконіямъ моимъ, но по милости Твоей помилуй мя.



Зрю законъ святой Твой, Господи, въ немъ же предначертана ми образъ благаго житія, его же чуждъ явихся: всякому бо злу поработихся, тѣмъ и вѣчныя муки повиненъ учинихся; но, Боже милостивый, спаси мя единымъ всемогуществомъ Твоимъ.

Боже мой, не осуди мя по беззаконіямъ моимъ, но по милости Твоей помилуй мя.

Ни слова полезнаго, ни дѣла добраго, ни помысла благаго рачитель быхъ когда: весь осквернихся, весь поразихся: и не имый благія надежды, лежу безъ исцѣленія; но, Боже милостивый, спаси мя единымъ всемогуществомъ Твоимъ.

Боже мой, не осуди мя по беззаконіямъ моимъ, но по милости Твоей помилуй мя.

На стяжахъ плода покаянія, но паче горшему злу предахся, колькраты бо Святѣйшее Тѣло и Кровь Христову пріимахъ и паки на грѣхъ обращахся: тѣмъ яко повинный Тѣлу и Крови Господни, уже не мню себѣ помилована быти, обаче вошю: Боже милостивый спаси мя единымъ всемогуществомъ Твоимъ.

Боже мой, не осуди мя по беззаконіямъ моимъ, но по милости Твоей помилуй мя.

За злая дѣла моя аще огонь не угасимый, червь неусыпающій, и

тьма вѣчная имать мя покрыти, --
обаче доколѣ въ жизни сей привре-
меннѣй имамъ быти, не престану
къ Тебѣ вопити: Боже милостивый,
спаси мя единымъ всемогуществомъ
Твоимъ.

Пресвятая Богородице, спаси
мя, паче всѣхъ согрѣшившаго.

Изъ бездны беззаконія моего взы-
ваю Ти, чистая: не призри моленія
моего, яко благая, но скоро простри
ми руку помощи.

Слава Отцу, и Сыну, и Святому
Духу.

Слезы ми даждь, Боже, якоже
иногда женѣ грѣшницѣ, да по-не



мало что оплачу—отъ безмѣрныхъ
беззаконій моихъ.

И нынѣ, и присно, и во вѣки вѣ-
ковъ, аминь.

Пречистая Дѣво, како имамъ молити Тя, отчаянный,—но аще Ты еси надежда ненадежныхъ, потщися спасти мя Твоимъ заступленіемъ.

Достойно есть, яко воистину, блажи Тя Богородицу, присноблаженную и пренепорочную, и Матерь Бога нашего, Честнѣйшую Херувимъ и Славнѣйшую безъ сравненія Серафимъ, безъ истлѣнія Бога Слова родшую, сущую Богородицу Тя величаемъ.

Слава Отцу, и Сыну, и Святому Духу, и нынѣ, и присно, и во вѣки вѣковъ, аминь.

Господи, помилуй. *Трижды.*



Господи, Иисусе Христе, Сыне
Божій, Молитвами Пречистыя Твоея

Матере, Препоробныхъ и Богоносныхъ Отецъ нашихъ и всѣхъ Твоихъ Святыхъ, помилуй мя, паче всѣхъ согрѣшившаго.

Господи, помилуй. *Трижды.*

